



Politička organizacija građana "Naša stranka"

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: nasastranka@nasastranka.ba

Web: www.nasastranka.ba

Vildana Bešlija

Zastupnica u Skupštini Kantona Sarajevo

Broj: ____/19

Sarajevo, 27.02.2019.

Dostaviti:

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

n/r predsjedavajući Skupštine Kantona Sarajevo

Uputiti: Ministarstvo obrazovanja i

Ministarstvo prostornog uređenja, građenja i zaštite okoliša

PREDMET: INICIJATIVA

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), a kao reakcija na dosadašnji ignorantski odnos Vlade Federacije BiH prema Pravosudnoj palati u Sarajevu (zgrada Pravnog fakulteta Univerziteta u Sarajevu), ali i nemarnog odnosa korisnika ovog objekta, Univerziteta Sarajevo, koji je, pod krinkom "sigurnosti građana", dozvolio da se na ovaj izuzetno važan, a sada već objekat nacionalnog značaja, bez nadzora struke postavljaju nadstrešnice nezadovoljavajućeg estetskog dojma; pokrećem inicijativu da Kanton Sarajevo povede proceduru intervenisanja kod nadležnih za uklanjanje privremene nadstrešnice, te da u rebalansu putem Ministarstva obrazovanja i Ministarstva prostornog uređenja, građenja i zaštite okoliša planiraju sredstva za neophodnu restauraciju fasade objekta i restauratorske radove na uklonjenim skulpturama i njihovo vraćanje na izvorna mjesta.

O B R A Z L O Ž E N J E

Na sjednici Komisije za očuvanje nacionalnih spomenika održanoj 21. decembra u Sarajevu donesena je odluka o proglašenju Pravosudne palate u Sarajevu nacionalnim spomenikom Bosne i Hercegovine. Na osnovu ove odluke propisane su mjere zaštite koje se trebaju implementirati:

a) dozvoljeni su istraživački i konzervatorsko-restauratorski radovi, radovi na sanaciji i prezentaciji spomenika i radovi tekućeg održavanja objekata uz odobrenje federalnog ministarstva nadležnog za prostorno uređenje i stručni nadzor nadležne službe zaštite naslijeđa na nivou Federacije Bosne i Hercegovine;

- b) dozvoljene su intervencije u cilju prilagođavanja objekta savremenim potrebama pod uvjetom da se ne naruše njegove arhitektonske vrijednosti i integritet, uz odobrenje nadležnog ministarstva i stručno nadziranje nadležne službe zaštite;*
- c) objekat se može koristiti u javne, poslovne, obrazovne i kulturne svrhe, odnosno na način koji neće ugroziti njegov integritet i njegovo značenje u strukturi grada;*
- d) neophodno je izvršiti konzervatorske i restauratorske radove na uklonjenim skulpturama sa zgrade, te njihovo vraćanje na izvorna mjesta; prema projektu odobrenom od strane nadležnog ministarstva uz stručni nadzor nadležne službe zaštite.*

Zbog svega navedenog, smatram da Vlada Kantona Sarajevo, bez obzira na ovlasti, treba da poduzme sve potrebne mjere da se ovom nacionalnom spomeniku vrati prijašnji sjaj. Trenutno stanje Pravosudne palate u Sarajevu (zgrade Pravnog fakulteta Univerziteta u Sarajevu) sramota je za grad, kanton i Federaciju BiH te predstavlja plastičan primjer nebrige vlasti za objekte koji su važno arhitektonsko naslijeđe.

S poštovanjem,

Vildana Bešlija

Zastupnica u Skupštini Kantona Sarajevo

Naša stranka